



SLUŽBENE NOVINE TUZLANSKO-PODRINJSKOG KANTONA

Godina 1 - Broj 2

Četvrtak, 15. septembar/rujan 1994.
TUZLA

Izdanje na
bosanskom i hrvatskom
jeziku

10

Na osnovu člana 24. Ustavnog zakona Tuzlansko-podrinjskog kantona, ("Službene novine Tuzlansko-podrinjskog kantona" broj 1/94), Skupština Tuzlansko-podrinjskog kantona, na sjednici održanoj 15. septembra 1994. godine, donosi

ZAKON

O VLADI TUZLANSKO-PODRINJSKOG KANTONA

I OPĆE ODREDBE

Član 1.

Ovim Zakonom uređuje se organizacija i nadležnost Vlade Tuzlansko-podrinjskog kantona (u daljem tekstu: Vlada Kantona).

Član 2.

Vlada Kantona je organ koji vrši izvršnu vlast Tuzlansko-podrinjskog kantona (u daljem tekstu: Kantona), ukoliko određene izvršne kompetencije Ustavnim zakonom i drugim zakonima nisu povjerene predsjedniku Kantona.

Član 3.

Vlada Kantona vrši svoja prava i dužnosti na osnovu i u okviru Ustavnog zakona Tuzlansko-podrinjskog kantona i ovog Zakona.

Član 4.

Sjedište Vlade Kantona je u Tuzli.

Član 5.

Svoju unutrašnju organizaciju i način rada, kao i organizaciju, djelokrug i ovlašćenja stručnih i drugih službi koje obavljaju poslove za potrebe Vlade Kantona, ministarstava i drugih organa uprave i upravnih organizacija, Vlada Kantona uredit će Poslovníkom Vlade Kantona i drugim aktima.

II NADLEŽNOST VLADE KANTONA

Član 6.

Vlada Kantona je nadležna za:

- provedenje kantonalne politike, predlaganje i izvršavanje kantonalnih i drugih propisa;
- izvršavanje odluka kantonalnih ili federalnih sudova i vršenje drugih nadležnosti povjerenih Kantonu od federalne vlasti;
- pripremu prijedloga budžeta;
- osiguranje saradnje Vlade Kantona i ombudsmana;
- nadzor nad istragom i krivičnim gonjenjem u vezi sa kršenjem kantonalnih zakona, kao i nad kantonalnom policijom;

f) osiguranje da nacionalna struktura odražava nacionalnu strukturu stanovništva Kantona, s tim da nacionalna struktura policije svake općine mora odražavati nacionalnu strukturu stanovništva te općine;

g) vršenje drugih nadležnosti utvrđenih Ustavnim zakonom i drugim propisima.

Član 7.

Vlada Kantona zastupa Kanton kao pravno lice, ukoliko Ustavnim zakonom Tuzlansko-podrinjskog kantona i zakonom nije drukčije određeno.

Vlada Kantona upravlja imovinom u vlasništvu Kantona, ako zakonom nije drugačije određeno.

III SASTAV I ORGANIZACIJA VLADE

Član 8.

Vlada Kantona se sastoji od 13 resornih ministara, koji rukovode ministarstvima, na čijem su čelu:

- ministar za industriju, energetiku i rudarstvo,
 - ministar za poljoprivredu, šumarstvo i vodoprivredu,
 - ministar za trgovinu i turizam,
 - ministar za pravdu,
 - ministar za finansije,
 - ministar za unutrašnje poslove,
 - ministar za rad, socijalnu politiku i izbjeglice,
 - ministar za obrazovanje, nauku, kulturu i sport,
 - ministar za promet i komunikacije,
 - ministar za urbanizam, prostorno uređenje i zaštitu okolice,
 - ministar zdravlja,
 - ministar za obnovu, razvoj i poduzetništvo,
 - ministar za boračka pitanja i dva ministra bez portfelja.
- Ministri koji rukovode ministarstvima imaju zamjenike.

Član 9.

Vladu Kantona imenuje predsjednik Kantona, a imenovanje potvrđuje Skupština Kantona.

Član 10.

Skupština Kantona može izglasati nepovjerenje Vladi Kantona ili je smijeniti na prijedlog predsjednika Kantona.

Predsjednik Kantona može razriješiti pojedinog ministra.

Član 11.

Sastav Vlade Kantona odražavat će nacionalni sastav stanovništva Kantona kao cjeline, a u svakom slučaju osiguravati zastupljenost oba konstitutivna naroda.

Član 12.

Vlada Kantona stupa na dužnost nakon davanja svečane izjave u Skupštini Kantona.

Član 13.

Vlada Kantona ima sekretara Vlade Kantona. Sekretara Vlade Kantona imenuje predsjednik Kantona, a imenovanje potvrđuje Skupština Kantona. Sekretar Vlade odgovara za svoj rad predsjedniku Kantona.

IV NAČIN RADA I ODLUČIVANJA VLADE KANTONA

Član 14.

Radom Vlade Kantona rukovodi predsjednik Kantona, koji predstavlja Vladu Kantona, saziva sjednice Vlade Kantona po svojoj inicijativi ili na zahtjev najmanje pet članova Vlade Kantona, predlaže dnevni red i predsjedava sjednicama.

Član 15.

Vlada kantona radi i odlučuje u sjednicama. Vlada Kantona može zasjedati i odlučivati ako sjednici prisustvuje više od polovine članova Vlade Kantona. Vlada Kantona odlučuje većinom glasova prisutnih članova Vlade Kantona.

V RADNA TIJELA VLADE KANTONA

Član 16.

Za razmatranje pitanja iz nadležnosti Vlade Kantona, davanje prijedloga i mišljenja o tim pitanjima, vršenje određenih poslova i zadataka u vezi sa provođenjem zaključaka Vlade Kantona, kao i za vršenje drugih poslova, Vlada Kantona može obrazovati stalna i povremena radna tijela (savjete, urede, komisije i drugo).

Sastav i nadležnost radnih tijela iz stava 1. ovog člana uredit će se Poslovníkom Vlade Kantona ili aktom o obrazovanju.

Član 17.

Za donošenje rješenja u upravnom postupku i odlučivanje o drugim pojedinim pitanjima iz njene nadležnosti, Vlada Kantona može obrazovati jednu ili više komisija čije članove imenuje iz reda ministara ili njihovih zamjenika.

VI PRAVA I DUŽNOSTI ČLANOVA VLADE KANTONA

Član 18.

Članovi Vlade Kantona imaju pravo i dužnost da predlažu pretresanje pojedinih pitanja na sjednici Vlade Kantona, učestvuju u pretresanju i odlučivanju o pitanjima o kojima se raspravlja na sjednicama Vlade Kantona, pripremaju zakone i druge propise iz nadležnosti Vlade Kantona i druga akta koja Vlada Kantona donosi, učestvuju u radu radnih tijela Vlade Kantona i vrše druge poslove iz nadležnosti Vlade Kantona, u skladu sa Poslovníkom i zaključcima Vlade Kantona.

Član 19.

Članovi Vlade Kantona mogu predložiti Vladi Kantona da zauzme stav o pitanjima od značaja za provođenje utvrđene politike i izvršavanje zakona i drugih propisa i općih akata.

Član 20.

Članovi Vlade Kantona su odgovorni za zastupanje i provođenje zaključaka Vlade Kantona u poslovima koje im Vlada Kantona povjeri, kao i za blagovremeno pokretanje inicijative za rješavanje pitanja u okviru zadataka koje im je povjerila Vlada Kantona.

Član 21.

Članovi Vlade Kantona određeni da učestvuju u radu drugog organa i tijela, dužni su postupati u skladu sa ovlašćenjima, smjernicama i stavovima Vlade Kantona.

Članovi Vlade Kantona su dužni svoju aktivnost ostvarivati tako da, pored poslova za koje su lično zaduženi, prate i pitanja iz djelokruga Vlade Kantona za koja nisu lično zaduženi i da svojim prijedlozima i mišljenjima doprinose odgovornom, zakonitom i efikasnom radu Vlade Kantona.

Član 22.

Ministri bez portfelja obavljaju poslove koje im povjeri predsjednik Kantona i imaju sva prava i dužnosti članova Vlade Kantona.

Član 23.

Članovi Vlade Kantona ne mogu biti krivično gonjeni niti odgovorni u građanskom postupku za bilo koju radnju učinjenu u vršenju svoje funkcije.

VII AKTA VLADE KANTONA

Član 24.

U ostvarivanju svojih ovlašćenja utvrđenih Ustavnim zakonom, Vlada Kantona donosi uredbе, odluke, rješenja i zaključke.

Izuzetno, za vrijeme trajanja opasnosti za zemlju i Kanton, kada postoji objektivna nemogućnost da se sazove Skupština Kantona, Vlada Kantona će donositi i propise od vitalnog značaja za Kanton iz nadležnosti Skupštine Kantona.

Propisima iz stava 2. ovog člana ne mogu se derogirati prava i slobode utvrđene Ustavom Federacije, Ustavnim zakonom i drugim propisima.

Propisi iz stava 2. ovog člana prestaju da važe čim prestanu okolnosti zbog kojih Skupština Kantona nije bila u mogućnosti da se sastane, a najkasnije 30 dana od njihovog objavljivanja.

Član 25.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnje ustrojstvo organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona.

Zaključkom se odlučuje i u drugim slučajevima u kojima se ne donose druga akta.

Član 26.

Uredbe i odluke Vlade Kantona objavljuju se u "Službenim novinama Tuzlansko-podrinjskog kantona", a ostala akta samo ukoliko to Vlada Kantona odredi.

VIII JAVNOST RADA VLADE KANTONA

Član 27.

Rad Vlade Kantona je javan.

Vlada Kantona obavještava javnost o svome radu, zaključcima i zauzetim stavovima, kao i značajnim pitanjima koja su razmatrana ili će se razmatrati na sjednici Vlade Kantona.

Javnost rada Vlada Kantona osigurava redovnim obavještavanjem javnosti i omogućavanjem prisustva novinarima na sjednici Vlade Kantona i njenih radnih tijela, davanjem saopćenja za štampu, radio i televiziju, davanjem bližih obavještenja i informacija o pojedinim pitanjima iz svoga djelokruga, održavanjem konferencija za štampu, vođenjem razgovora sa predstavnicima javnog informiranja, dostavljanjem pisanih materijala sredstvima javnog informiranja ili na drugi pogodan način.

Član 28.

Vlada Kantona određuje koji se materijali i podaci sa njene sjednice ili sjednice njenih radnih tijela ne mogu objavljivati, niti stavljati na raspolaganje predstavnicima sredstava javnog informiranja trajno ili na određeno vrijeme.

Član 29.

Ukoliko za to postoje opravdani razlozi, Vlada Kantona može odlučiti da se sjednica u cjelini ili njen dio održi uz isključenje javnosti.

IX STRUČNE I DRUGE SLUŽBE VLADE KANTONA

Član 30.

Za obavljanje određenih stručnih, tehničkih i drugih poslova za Vladu Kantona, njena radna tijela i organe uprave, Vlada Kantona može obrazovati Stručnu službu Vlade Kantona i druge službe.

Za vršenje određenih poslova za potrebe ministarstava i drugih organa uprave Kantona, Vlada Kantona može obrazovati zajedničke stručne službe.

Aktom o obrazovanju Stručne službe Vlade Kantona, zajedničkih i drugih službi, utvrđuje se njihov djelokrug, kao i položaj i odgovornost tih službi i osoba koje njima rukovode.

Član 31.

Vlada Kantona vrši nadzor nad radom svih stručnih službi koje obrazuje.

Sekretar Vlade Kantona usklađuje rad svih stručnih službi u obavljanju poslova za potrebe Vlade Kantona i odgovoran je za njihov rad.

X PRIJELAZNE I ZAVRŠNE ODREDBE

Član 32.

Vlada Kantona je dužna donijeti Poslovnik o svome radu u roku od 15 dana od svog konstituiranja.

Član 33.

Do donošenja Poslovnika Vlade Kantona, pitanja od značaja za rad Vlade Kantona, koja nisu uređena ovim Zakonom uređuje se zaključkom Vlade Kantona.

Član 34.

Ovaj Zakon stupa na snagu danom objavljivanja.

Republika Bosna i Hercegovina

Federacija Bosne i Hercegovine

TUZLANSKO-PODRINJSKI

KANTON

Broj: 01-011-21/94

Tuzla, 15. septembar 1994. godine

Predsjedavajući

Skupštinom Tuzlansko-podrinjskog

kantona,

Mustafa Ramić, v.r.

10

Na temelju članka 24. Ustavnog zakona Tuzlansko-podrinjske Veležupe, ("Službene novine Tuzlansko-podrinjskog kantona" broj 1/94), Sabor Veležupe, na sjednici održanoj 15. rujna 1994. godine, donosi

ZAKON**O VLADI TUZLANSKO-PODRINJSKE VELEŽUPE**

I OPĆE ODREDBE

Članak 1.

Ovim Zakonom uređuje se organizacija i nadležnost Vlade Tuzlansko-podrinjske Veležupe (u daljem tekstu: Vlada Veležupe).

Članak 2.

Vlada Veležupe je organ koji vrši izvršnu vlast Tuzlansko-podrinjske Veležupe (u daljem tekstu: Veležupa), ukoliko određene izvršne kompetencije Ustavnim zakonom i drugim zakonima nisu povjerene predsjedniku Veležupe.

Članak 3.

Vlada Veležupe vrši svoja prava i dužnosti na temelju i u okviru Ustavnog zakona Tuzlansko-podrinjske Veležupe i ovog Zakona.

Članak 4.

Sjedište Vlade Veležupe je u Tuzli.

Članak 5.

Svoju unutarnju organizaciju i način rada, kao i organizaciju, djelokrug i ovlaštenja strukovnih i drugih službi koje obavlja poslove za potrebe Vlade Veležupe, ministarstava i drugih organa uprave i upravnih organizacija, Vlada Veležupe će urediti Poslovníkom Vlade Veležupe i drugim aktima.

II NADLEŽNOST VLADE VELEŽUPE

Članak 6.

Vlada Veležupe je nadležna za:

- a) provedbu politike Veležupe, predlaganje i izvršavanje zakona Veležupe i drugih propisa;
- b) izvršenje odluka veležupanijskih ili federalnih sudova i provedbu drugih nadležnosti povjerenih Veležupi od federalne vlasti;
- c) pripremu prijedloga proračuna;
- d) osiguranje suradnje Vlade Veležupe i ombudsmena;
- e) nadzor nad istragom i krivičnim gonjenjem u svezi sa kršenjem zakona Veležupe, kao i nad veležupanijskom policijom;
- f) osiguranje da nacionalna struktura odražava nacionalnu strukturu stanovništva Veležupe, s tim da nacionalna struktura policije svake općine mora odražavati nacionalnu strukturu stanovništva te općine;
- g) vršenje drugih nadležnosti utvrđenih Ustavnim zakonom i drugim propisima.

Članak 7.

Vlada Veležupe zastupa Veležupu kao pravno lice ukoliko Ustavnim zakonom i zakonom nije drugačije određeno.

III SASTAV I ORGANIZACIJA VLADE

Članak 8.

Vlada Veležupe se sastoji od 13 ministara, koji upravljaju ministarstvima, na čijem su čelu:

- ministar za industriju, energetiku i rudarstvo,
 - ministar za poljodjelstvo, šumarstvo i vodoprivredu,
 - ministar za trgovinu i turizam,
 - ministar za pravdu,
 - ministar za financije,
 - ministar za unutarnje poslove,
 - ministar za rad, socijalnu politiku i izbjeglice,
 - ministar za prosvjetu, znanost, kulturu i šport,
 - ministar za promet i veze,
 - ministar za urbanizam, prostorno uređenje i zaštitu okoliša,
 - ministar zdravlja,
 - ministar za obnovu, razvoj i poduzetništvo,
 - ministar za boračka pitanja i dva ministra bez portfelja.
- Ministri koji upravljaju ministarstvima imaju zamjenike.

Članak 9.

Vladu Veležupe imenuje predsjednik Veležupe, a imenovanje potvrđuje Sabor.

Članak 10.

Sabor Veležupe može izglasovati nepovjerenje Vladi ili je smijeniti na prijedlog predsjednika Veležupe.

Predsjednik Veležupe može razriješiti pojedinog ministra.

Članak 11.

Sastav Vlade Veležupe odražavat će nacionalni sastav stanovništva Veležupe kao cjeline, a u svakom slučaju osiguravati zastupljenost oba konstitutivna naroda.

Članak 12.

Vlada Veležupe stupa na dužnost nakon davanja svečane izjave u Saboru Veležupe.

Članak 13.

Vlada Veležupe ima tajnika Vlade Veležupe.

Tajnika Vlade Veležupe imenuje predsjednik Veležupe, a imenovanje potvrđuje Sabor Veležupe.

Tajnik Vlade odgovara za svoj rad predsjedniku Veležupe.

IV NAČIN RADA I ODLUČIVANJA VLADE VELEŽUPE

Članak 14.

Radom Vlade Veležupe ravna predsjednik Veležupe, koji predstavlja Vladu Veležupe, saziva sjednice Vlade Veležupe po svojoj inicijativi ili na zahtjev najmanje pet članova Vlade Veležupe, predlaže dnevni red i predsjedava sjednicama.

Članak 15.

Vlada Veležupe radi i odlučuje u sjednicama.

Vlada Veležupe može zasjedati i odlučivati ako je sjednici nazočno više od polovice članova Vlade Veležupe.

Vlada Veležupe odlučuje većinom glasova nazočnih članova Vlade Veležupe.

V RADNA TIJELA VLADE VELEŽUPE

Članak 16.

Za razmatranje pitanja iz nadležnosti Vlade Veležupe, davanje prijedloga i mišljenja o tim pitanjima, provedbu određenih poslova i zadataka u svezi sa provedbom zaključaka Vlade Veležupe, kao i za provedbu drugih poslova, Vlada Veležupe može utemeljivati stalna i povremena radna tijela (savjete, urede, komisije i drugo).

Sastav i nadležnost radnih tijela iz stava 1. ovog članka uredit će se Poslovníkom Vlade Veležupe ili aktom o utemeljenju.

Članak 17.

Za donošenje rješenja u upravnom postupku i odlučivanje o drugim pojedinim pitanjima iz nadležnosti Vlade Veležupe, Vlada Veležupe može utemeljivati jednu ili više komisija čije članove imenuje iz reda ministara ili njihovih zamjenika.

VI PRAVA I OBVEZE ČLANOVA VLADE VELEŽUPE

Članak 18.

Članovi Vlade Veležupe imaju pravo i obvezu da predlažu pretresanje pojedinih pitanja na sjednici Vlade Veležupe, sudjeluju u pretresanju i odlučivanju o pitanjima o kojima se raspravlja na sjednicama Vlade Veležupe, pripremaju zakone i druge propise iz nadležnosti Vlade Veležupe i druga akta koja Vlada Veležupe donosi, da sudjeluju u radu radnih tijela Vlade Veležupe i vrše druge poslove iz nadležnosti Vlade Veležupe, u skladu sa Poslovníkom i zaključcima Vlade Veležupe.

Članak 19.

Članovi Vlade Veležupe mogu predložiti Vladi Veležupe da zauzme stav o pitanjima od značaja za provedbu utvrđene politike i izvršavanje zakona i drugih propisa i općih akata.

Članak 20.

Članovi Vlade Veležupe su odgovorni za zastupanje i provedbu zaključaka Vlade Veležupe u poslovima koje im Vlada Veležupe povjeri, kao i za blagovremeno pokretanje inicijative za rješavanje pitanja u okviru zadaća koje im je povjerila Vlada Veležupe.

Članak 21.

Članovi Vlade Veležupe određeni da sudjeluju u radu drugog organa i tijela, obvezni su postupati u skladu sa ovlaštenjima, smjernicama i stavovima Vlade Veležupe.

Članovi Vlade Veležupe su obvezni da svoje djelovanje ostvaruju tako da, pored poslova za koje su osobno zaduženi, prate i pitanja iz djelokruga Vlade Veležupe za koja nisu osobno zaduženi i da svojim prijedlozima i mišljenjima doprinose odgovornom, zakonitom i efikasnom radu Vlade Veležupe.

Članak 22.

Ministri bez portfelja obavljaju poslove koje im povjeri predsjednik Veležupe i imaju sva prava i obveze članova Vlade Veležupe.

Članak 23.

Članovi Vlade Veležupe ne mogu biti krivično gonjeni niti odgovorni u građanskom postupku za bilo koju radnju učinjenu u provedbi svoje funkcije.

VII AKTA VLADE VELEŽUPE

Članak 24.

U ostvarivanju svojih ovlaštenja utvrđenih Ustavnim zakonom, Vlada Veležupe donosi uredbе, odluke, rješenja i zaključke.

Izuzetno, za vrijeme trajanja opasnosti za Državu i Veležupu, kada postoji objektivna nemogućnost da se sazove Sabor Veležupe, Vlada Veležupe će donositi i propise od vitalnog značaja za Veležupu iz nadležnosti Sabora Veležupe.

Propisima iz stavka 2. ovog članka ne mogu se derogirati prava i slobode utvrđene Ustavom Federacije, Ustavnim zakonom i drugim propisima.

Propisi iz stavka 2. ovog članka prestaju da važe čim prestanu okolnosti zbog kojih Sabor nije bio u mogućnosti da se sastane a najkasnije 30 dana od njihovog objavljivanja.

Članak 25.

Uredbom se uređuju najvažnija pitanja iz nadležnosti Vlade Veležupe, bliže uređuju odnosi za provedbu zakona, utemeljenja strukovne i druge službe Vlade Veležupe i utvrđuju načela za unutarnje ustrojstvo organa uprave Veležupe.

Odlukom se uređuju pojedina pitanja ili propisuju mjere Vlade Veležupe, daje suglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima kao i o drugim pojedinačnim pitanjima iz nadležnosti Vlade Veležupe.

Zaključkom se utvrđuju stavovi o pitanjima od značaja za provedbu utvrđene politike, uređuju unutarnji odnosi u Vladi Veležupe i određuju zadaće organima uprave i službama, kao i radnim tijelima Vlade Veležupe.

Zaključkom se odlučuje i u drugim slučajevima u kojima se ne donose druga akta.

Članak 26.

Uredbe i odluke Vlade Veležupe objavljuju se u "Službenim novinama Tuzlansko-podrinjskog kantona", a ostala akta samo ukoliko to Vlada Veležupe odredi.

VIII JAVNOST RADA VLADE VELEŽUPE

Članak 27.

Rad Vlade Veležupe je javan.

Vlada Veležupe izvješćuje javnost o svome radu, zaključcima i zauzetim stavovima, kao i značajnim pitanjima koja su razmatrana ili će se razmatrati na sjednici Vlade Veležupe.

Javnost rada Vlada Veležupe osigurava redovitim izvješćivanjem javnosti i omogućavanjem nazočnosti novinara na sjednicama Vlade Veležupe i njenih radnih tijela, davanjem priopćenja za tisak, radio i televiziju, davanjem bližih obavjesti i informacija o pojedinim pitanjima iz svoga djelokruga, održavanjem konferencija za tisak, vođenjem razgovora sa predstavnicima javnog informiranja, dostavljanjem pisanih materijala sredstvima javnog informiranja ili na drugi pogodan način.

Članak 28.

Vlada Veležupe određuje koji se materijali i podaci sa njene sjednice ili sjednice njenih radnih tijela ne mogu objavljivati, niti stavljati na raspolaganje predstavnicima sredstava javnog informiranja, trajno ili na određeno vrijeme.

Članak 29.

Ukoliko za to postoje opravdani razlozi, Vlada Veležupe može odlučiti da se sjednica u cjelini ili njen dio, održi uz isključenje javnosti.

IX STRUKOVNE I DRUGE SLUŽBE VLADE VELEŽUPE

Članak 30.

Za obavljanje određenih strukovnih i drugih poslova za Vladu Veležupe, njena radna tijela i organe uprave, Vlada Veležupe može utemeljiti Strukovnu službu Vlade Veležupe i druge službe.

Za vršenje određenih poslova za potrebe ministarstava i drugih organa uprave, Vlada Veležupe može utemeljiti zajedničke strukovne službe.

Aktom o utemeljenju strukovne službe Vlade Veležupe, zajedničkih i drugih službi, utvrdit će se njihov djelokrug, kao i položaj i odgovornost tih službi i osoba koje im ravnaju.

Članak 31.

Vlada Veležupe vrši nadzor nad radom svih strukovnih službi koje utemeljuje.

Tajnik Vlade Veležupe usklađuje rad svih strukovnih službi u obavljanju poslova za potrebe Vlade Veležupe i odgovoran je za njihov rad.

X PRIJELAZNE I ZAVRŠNE ODREDBE

Članak 32.

Vlada Veležupe je dužna donijeti Poslovnik o svome radu u roku od 15 dana od svog konstituiranja.

Članak 33.

Do donošenja Poslovnika Vlade Veležupe, pitanja od značaja za rad Vlade Veležupe, koja nisu uređena ovim Zakonom uredit će se zaključkom Vlade Veležupe.

Članak 34.

Ovaj Zakon stupa na snagu danom objavljivanja.

Republika Bosna i Hercegovina
Federacija Bosne i Hercegovine
TUZLANSKO-PODRINJSKA
VELEŽUPA
Sabor

Broj: 01-011-21/94
Tuzla, 15. rujna 1994. godine

Predsjedavajući
Saborom Tuzlansko-podrinjske
Veležupe
Mustafa Ramić, v.r.

11

Na osnovu člana 24. stava 1. tačke e) Ustavnog zakona Tuzlansko-podrinjskog kantona ("Službene novine Tuzlansko-podrinjskog kantona" br. 1/94) i člana 22. Poslovnika o radu Skupštine Tuzlansko-podrinjskog kantona ("Službene novine Tuzlansko-podrinjskog kantona" br. 1/94), Skupština Tuzlansko-podrinjskog kantona, na sjednici održanoj 15. septembra/rujna 1994. godine, donosi

ODLUKU

O IZBORU I IMENOVANJU ČLANOVA U RADNA TIJELA SKUPŠTINE TUZLANSKO-PODRINJSKOG KANTONA

Član 1.

U odbore Skupštine Tuzlansko-podrinjskog kantona biraju se slijedeći poslanici:

a) Odbor za politički sistem:

- | | |
|---------------------------------|-----------|
| 1. Mesud Selimović, predsjednik | Srebrenik |
| 2. Husein Ferizović, član | Čelić |
| 3. Nijaz Karić, član | Kalesija |

- | | |
|------------------------------|-----------|
| 4. Šaban Đulović, član | Živinice |
| 5. Salih Omerović, član | Zvornik |
| 6. Franjo Čančarević, član | Brčko |
| 7. Ibrahim Mujezinović, član | Tuzla |
| 8. Ibrahim Nurkić, član | Gračanica |

b) Odbor za društveno-ekonomske odnose:

- | | |
|------------------------------|-----------------|
| 1. Dževad Gušić, predsjednik | Bratunac |
| 2. Adem Jusufović, član | Lukavac |
| 3. Muhibija Šestan, član | Gračanica |
| 4. Taib Muminović, član | Ugljevik-Teočak |
| 5. Kasim Mujić, član | Banovići |
| 6. Ivo Andrić Lužanski, član | Živinice |
| 7. Simo Simić, član | Tuzla |
| 8. Sadik Čamdžić, član | Kladanj |

Član 2.

U komisije Skupštine Tuzlansko-podrinjskog kantona imenuju se slijedeći poslanici i osobe iz reda naučnih, stručnih i javnih radnika:

a) Komisija za ustavna pitanja:

- | | |
|---------------------------------|-------------|
| 1. Mustafa Ramić, predsjednik | Brčko |
| 2. Mirza Jusufović, član | Tuzla |
| 3. Sulejman Klokić, član | Doboj-Istok |
| 4. dr Sead Jamakosmanović, član | Gradačac |
| 5. Omer Musić, član | Živinice |
| 6. mr Stjepo Pranjić, član | Tuzla |
| 7. Dragan Tomić, član | Lukavac |
| 8. Jasmin Imamović, član | Tuzla |

b) Zakonodavno-pravna komisija:

- | | |
|----------------------------------|-----------|
| 1. Šaban Mujčinović, predsjednik | Tuzla |
| 2. Midhat Selimović, član | Vlasenica |
| 3. Merima Halilagić, član | Kladanj |
| 4. Munib Ahmetović, član | Bratunac |
| 5. Faruk Tokić, član | Gradačac |
| 6. Mirko Vajand, član | Tuzla |
| 7. Osman Hećimović, član | Gradačac |
| 8. Boris Ferković, član | Tuzla |

c) Komisija za izbor i imenovanja:

- | | |
|------------------------------|-----------|
| 1. Nusret Mešić, predsjednik | Gradačac |
| 2. Ahmet Spahić, član | Gračanica |
| 3. Sead Hasanhodžić, član | Lukavac |
| 4. Ahmet Halilović, član | Živinice |
| 5. Sead Muminović, član | Čelić |
| 6. Ilija Milić, član | Banovići |
| 7. Amira Bravić, član | Gračanica |
| 8. dr Sead Avdić, član | Tuzla |

d) Administrativna komisija:

- | | |
|-------------------------------------|-----------|
| 1. Husein dr Karamujić, predsjednik | Brčko |
| 2. Mumin Šarić, član | Kladanj |
| 3. Hazim Vikalo, član | Gračanica |
| 4. Sefer Pirić, član | Banovići |
| 5. Mehmedalija Mešić, član | Čelić |
| 6. Anto Ilikić, član | Lukavac |
| 7. Zlatko Dukić, član | Tuzla |
| 8. Ahmo Hrnjić, član | Kladanj |

e) Komisija za predstave i prijedloge:

1. dr Salih Kulenović, predsjednik	Tuzla
2. Dževad Bilalić, član	Ugljevik-Teočak
3. Enver Alić, član	Kalesija
4. Mujo Avdić, član	Zvornik
5. Alis Sarihodžić, član	Tuzla
6. Ante Zvonar, član	Tuzla
7. Sabit Mujkić, član	Doboj-Istok
8. Muhamed Begović, član	Tuzla

f) Mandatno-imunitetska komisija:

1. Nedim Nuhić, predsjednik	Tuzla
2. Ajna Demirović, član	Tuzla
3. Muhamed Delić, član	Lukavac
4. Sulejman Salihović, član	Živinice
5. Zekerijah Osmić, član	Brčko
6. Anto Pejić, član	Lukavac
7. Mufid Moranjković, član	Srebrenik
8. dr Kasim Brigić, član	Banovići

Član 3.

Nadležnosti odbora i komisija iz prethodnih članova predviđene su članovima 31-38 Poslovnika o radu Skupštine Tuzlansko-podrinjskog kantona.

Član 4.

Ova odluka stupa na snagu danom objavljivanja u "Službenim novinama Tuzlansko-podrinjskog kantona".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI KANTON
Predsjedavajući
Skupštinom Tuzlansko-podrinjskog kantona,
Mustafa Ramić, v.r.

Broj: 01-011-20/94
Tuzla, 15. septembar 1994. godine

12

Skupština Tuzlansko-podrinjskog kantona, na osnovu člana 2. Odluke Predsjedništva okruga Tuzla od 20. 08. 1994. godine o načinu rada Skupštine Tuzlansko-podrinjskog kantona do donošenja Poslovnika o radu Skupštine i Izvještaja Verifikacione komisije, na sjednici održanoj 22. avgusta 1994. godine, utvrdila je

LISTU POSLANIKA

U SKUPŠTINI TUZLANSKO-PODRINJSKOG KANTONA PO STRANAČKOJ PRIPADNOSTI

I

Lista poslanika Stranke demokratske akcije (SDA)

1. Kasim Mujić	Banovići
2. Sefer Pirić	Banovići
3. Dževad Hasanbegović	Banovići
4. Adil Osmanović	Bratunac
5. Idriz Mahmutović	Bratunac
6. Dževad Gušić	Bratunac
7. Omer Mujčić	Bratunac
8. Bekir Salkić	Bratunac
9. Mustafa Ramić	Brčko

10. Husein Karamujić	Brčko
11. Muhamed Memić	Čelić
12. Husejin Ferizović	Čelić
13. Sead Muminović	Čelić
14. Hadžip Mehikić	Čelić
15. Sulejman Klokić	Doboj-Istok
16. Mirsad Sinanović	Doboj-Istok
17. Rešid Konjić	Doboj-Istok
18. Ahmet Spahić	Gračanica
19. Muhibija Šestan	Gračanica
20. Hazim Vikalo	Gračanica
21. Nusret Mešić	Gradačac
22. Faruk Tokić	Gradačac
23. Reuf Husejnagić	Gradačac
24. Izet Hadžić	Kalesija
25. dr Husnija Musić	Kalesija
26. Nijaz Karić	Kalesija
27. Enver Alić	Kalesija
28. Enver Jukanović	Kalesija
29. Merima Halilagić	Kladanj
30. Mumin Šarić	Kladanj
31. Sead Hasanhodžić	Lukavac
32. Adem Jusufović	Lukavac
33. Muhamed Delić	Lukavac
34. Hajrudin Avdić	Srebrenica
35. Jusuf Nukić	Srebrenica
36. Nesib Mandžić	Srebrenica
37. Sead Delić	Srebrenica
38. Suljo Atić	Srebrenica
39. Esad Smajlović	Srebrenik
40. Mesud Selimović	Srebrenik
41. Taib Muminović	Ugljevik-Teočak
42. Dževad Bilalić	Ugljevik-Teočak
43. Ibrahim Husić	Ugljevik-Teočak
44. Elifraim Tupković	Ugljevik-Teočak
45. Omer Hodžić	Ugljevik-Teočak
46. Mirsad Kikanović	Tuzla
47. Ramiz Kadrić	Vlasenica
48. Senahid Jašarević	Vlasenica
49. Nijaz Jašarević	Vlasenica
50. Bego Selimović	Vlasenica
51. Midhat Selimović	Vlasenica
52. Mujo Avdić	Zvornik
53. Ramiz Smajlović	Zvornik
54. Abdulah Pašić	Zvornik
55. Salih Omerović	Zvornik
56. Bajro Jusić	Živinice
57. Omer Musić	Živinice
58. Šaban Đulović	Živinice
59. Sulejman Salihović	Živinice

II

Lista poslanika Hrvatske demokratske zajednice (HDZ)

1. Franjo Čančarević	Brčko
2. Anto Krnjić	Brčko
3. Ilija Lamešić	Srebrenik
4. Ivo Andrić Lužanski	Živinice

III

Lista poslanika Ujedinjenih bosansko-hercegovačkih socijal-
demokrata (UBSD)

1. Dragan Tomić	Lukavac
2. Ibrahim Mujezinović	Tuzla
3. Simo Simić	Tuzla

IV

Lista poslanika Muslimansko-bošnjačke organizacije (MBO)

1. Sadik Čamdžić Kladanj

V

Lista poslanika Stranke demokratskih promjena (SDP)

1. Ilija Milić	Banovići
2. Zekerijah Osmić	Brčko
3. Omer Halilović	Doboj-Istok
4. Sabit Mujkić	Doboj-Istok
5. Amira Bravić	Gračanica
6. Petar Radić	Gradačac
7. Osman Hećimović	Gradačac
8. Sakib Hajdarević	Kladanj
9. Ahmo Hrnjić	Kladanj
10. Ibrahim Sinanović	Lukavac
11. Mufid Moranjković	Srebrenik
12. Zlatko Dukić	Tuzla
13. Fadil Banjanović	Zvornik

VI

Lista poslanika Liberalne stranke (LS)

1. Nevzet Tufekčić	Banovići
2. Fuad Beganović	Čelić
3. Ibrahim Nurkić	Gračanica
4. Muhamed Moranjković	Srebrenik
5. Klelija Balta	Tuzla

VII

Ova lista objaviće se u "Službenim novinama Tuzlansko-podrinjskog kantona".

Republika Bosna i Hercegovina	
Federacija Bosne i Hercegovine	Predsjedavajući
TUZLANSKO-PODRINJSKI	Skupštinom Tuzlansko-podrinjskog
KANTON	kantona,
Skupština	Mustafa Ramić, v.r.

Broj: 01-011-6-2/94
Tuzla, 22. avgust 1994. godine

13

Na osnovu člana 24. stava 1. tačke m) i člana 30. Ustavnog zakona Tuzlansko-podrinjskog kantona ("Službene novine Tuzlansko-podrinjskog kantona" br. 1/94) a u vezi sa članom 8. Zakona o izboru odbornika i poslanika u skupštine društveno-političkih zajednica "Sl. list SR BiH" br. 21/90 i 28/90, te "Sl. list RBiH" br. 22/93), te člana 17 i 69. Poslovnika o radu Skupštine Tuzlansko-podrinjskog kantona ("Službene novine Tuzlansko-podrinjskog kantona" br. 1/94), Skupština Tuzlansko-podrinjskog kantona, na sjednici održanoj 15. septembra/rujna 1994. godine, donosi

ODLUKU

O PRESTANKU MANDATA POSLANIKU
IZETU HADŽIĆU

Član 1.

Izetu Hadžiću, poslaniku iz Kalesija, prestaje mandat poslanika prije isteka vremena na koje je izabran, iz razloga što je izabran na funkciju predsjednika Kantona koja je nespojiva sa funkcijom poslanika u Skupštini Kantona.

Član 2.

Poslaniku mandat prestaje dana kada je Skupština Kantona utvrdila da je nastupio razlog za to, tj. 15. septembra/rujna 1994. godine.

Član 3.

Ova odluka biće objavljena u "Službenim novinama Tuzlansko-podrinjskog kantona".

Republika Bosna i Hercegovina	
Federacija Bosne i Hercegovine	Predsjedavajući
TUZLANSKO-PODRINJSKI	Skupštinom Tuzlansko-podrinjskog
KANTON	kantona,
Skupština	Mustafa Ramić, v.r.

Broj: 01-011-12-12/94
Tuzla, 15. septembar 1994. godine

Sadržaj

10	ZAKON o vladi Tuzlansko-podrinjskog kantona	37	12	LISTA poslanika Tuzlansko-podrinjskog kantona po stranačkoj pripadnosti	42
10	ZAKON o vladi Tuzlansko-podrinjske Veležupe	39	13	ODLUKA o prestanku mandata poslaniku Izetu Hadžiću	43
11	ODLUKA o izboru i imenovanju članova u radna tijela skupštine Tuzlansko-podrinjskog kantona	41			